

Petrus Castellus epistol. medicinal. separationem hanc biliosi feri attractione fieri, eleganter demonstrat, attractionem autem similitudine. Venæ exsiccatæ à calore calidiores redditæ non sibi contrarias frigidas insipidasque attrahunt serositates, sed similes calidas, acres scilicet & biliosas.

In *Ἀναχωρήσει* hâc admittitur etiam ἡ ὤσις, *pulsio ab Hippocrate*, cùm librò de affectionibus scribit: καύσθη γίνεται ὑπὸ χολῆς, ὅταν κινηθεῖσα ἐπὶ τὸ σῶμα κατασηρῆ. *Ardens febris fit ex bile commotâ, ubi in aliquam interiorem corporis partem incubuerit.*

Bilis uti levissima, ita facillima commotu, sola nonnunquam agitatur, segregatur & accenditur, reliquis non commotis, quorum natura admodum frigida est. Si verò aliquis reliquorum commoveatur, vix fieri potest, quin & bilis simul conturbetur, cujus natura admodum calida est & ad motum promptissima. Hinc SOLA BILIS à disgregatione incalescit, & febrium accensiones producit, juxta *Hippocratem*, qui SOLAM BILEM febres producere, vel PLURIMAS à BILE, NULLAS SINE BILE oriri docet.

CAPUT XIV

causas remotiores supranaturales & naturales complectitur.

SUPRANATURALIS causa est **DÆUS**, omnis boni dator, qui præceptorum suorum transgressores variis morborum generibus gladioque iræ punire solet, nisi desistant & se convertant.

DÆMONEM malum permittente & connivente divinâ majestate, uti alios morbos, ita & ardentis febres producere posse non dubitamus.

REMOTÆ causæ, quæ humorum biliosorum, pituitosorum, salisumque generationem, & principio-sulphureorum & salinorum promovere possunt efferationem, variæ sunt.

D

Πᾶσας